



REPUBLIKA E SHQIPËRISË
BASHKIA Durrës
KËSHILLI BASHKIAK

VENDIM

Nr. 48, datë 09.07.2026

PËR PËRCAKTIMIN E KRITEREVE TË VLERËSIMIT DHE TRAJTIMIT FINANCIAR PËR SPORTISTËT DHE TRAJNERËT, QË PËRFAQËSOJNË QYTETIN E DurrësIT NË KOMPETICIONE KOMBËTARE DHE NDËRKOMBËTARE PËR VITIN 2026

Në mbështetje të ligjit nr. 139/2015, datë 17.12.2015 “Për vetëqeverisjen vendore”, i ndryshuar, ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë”, i ndryshuar, ligjit nr. 79/2017, “Për sportin”, të ndryshuar, ligjit nr. 68/2017, “Për financat e vetëqeverisjes vendore”, Vendimit të Këshillit Bashkiak Durrës nr. 73, datë 23.12.2025 “Për miratimin e buxhetit të Bashkisë Durrës për vitin 2026 dhe Programin Buxhetor Afatmesëm 2026–2028”, dhe sipas relacionit të përgatitur nga Drejtoria Arsim, Kulturë, Rini, Sporte dhe Komunitete Fetare, me propozim të Kryetares së Bashkisë,

KËSHILLI BASHKIAK
VENDOSI:

1. Miratimin e kriterëve për trajtimin me mbështetje financiare për sportistët që kanë zënë vendet e para, të dyta edhe të treta në kampionate kombëtare, për sportet individuale si më poshtë vijon:
 - Sportisti duhet të jetë mbi 18 (tetëmbëdhjetë) vjeç.
 - Sportisti duhet të jetë pjesë aktive e organizatës sportive që ka marrëveshje përfaqësie me klubin shumësprtësh Teuta dhe të ketë marrëveshje bashkëpunimi në fuqi me të.
 - Sportisti duhet të ketë marrëveshje përfaqësimi sportiv me Klubin e Shumësporteve

- “Teuta” Durrës, nëpërmjet organizatës sportive, pa krijuar marrëdhënie pune.
- Sportisti duhet të jetë i federuar aktivisht pranë federatës sportive përkatëse për sezonin sportiv në fuqi.
 - Sportisti duhet të ketë arritur rezultate të renditura në kampionate kombëtare (vendet I - III), të certifikuara zyrtarisht. Për sportet e traditës të Klubit Shumësportësh 'Teuta', shahu, pingpongu dhe peshëngritja, Komisioni i Verifikimit merr në konsideratë vazhdimësinë e aktivitetit sportiv, kontributin në ruajtjen e traditës sportive të klubit dhe përfaqësimin e vazhdueshëm të qytetit të Durrësit në aktivitetet zyrtare, krahas rezultateve sportive të arritura.
 - Sportisti duhet të përfaqësojë Klubin e Shumësporteve “Teuta” Durrës dhe qytetin e Durrësit në veprimtari sportive zyrtare.
 - Sportisti duhet të jetë pjesë aktive e programit stërvitor, sipas planifikimit të miratuar nga organizata sportive dhe klubi.
 - Sportisti nuk duhet të jetë i pezulluar dhe nuk duhet të ketë masa disiplinore në fuqi.
 - Sportisti duhet të respektojë rregulloret sportive, etike dhe antidoping në fuqi.
 - Sportisti nuk duhet të përfitojë trajtim ushqimor të dyfishtë nga struktura të tjera publike për të njëjtën periudhë.

1.1. Organizata sportive përkatëse, për përfitimin e trajtimit financiar për sportistët pretendent dhe/ose me perspektivë, duhet të dorëzojë dokumentacionin e mëposhtëm:

- Kërkesë zyrtare e organizatës sportive, e nënshkruar nga përfaqësuesi ligjor, për përfshirjen e sportistit në skemën e trajtimit financiar.
- Marrëveshje bashkëpunimi në fuqi ndërmjet organizatës sportive dhe Klubit të Shumësporteve “Teuta” Durrës.
- Marrëveshje/Aneks përfaqësimi sportiv ndërmjet organizatës sportive dhe sportistit, ku përcaktohet përfaqësimi i qytetit dhe i klubit, pa krijuar marrëdhënie pune.
- Certifikatë federimi aktive e sportistit për sezonin sportiv në fuqi, e lëshuar nga federata sportive përkatëse.
- Dokumentacion zyrtar i rezultateve sportive, që vërteton renditjen e sportistit në kampionatet kombëtare (vendet I–IV), i certifikuar nga federata përkatëse. Për sportet e traditës (shah, pingpong dhe peshëngritje), organizata sportive paraqet një relacion argumentues mbi historikun dhe kontributin e disiplinës në traditën sportive të Klubit Shumësportësh 'Teuta', vazhdimësinë e aktivitetit dhe rezultatet e arritura ndër vite.
- Kopje e dokumentit të identifikimit të sportistit.
- Vërtetim nga federata ose organizata sportive që sportisti nuk është i pezulluar dhe nuk ka masa disiplinore në fuqi.
- Deklaratë përgjegjësie nga organizata sportive, që garanton përmbushjen e kriterëve ligjore dhe sportive për sportistin e propozuar.
- Raport përmbledhës stërvitor dhe gare, që pasqyron angazhimin e sportistit gjatë periudhës përkatëse.
- Deklaratë e sportistit, ku pranon përfaqësimin e Klubit të Shumësporteve “Teuta” Durrës dhe qytetit të Durrësit në veprimtari sportive zyrtare.

2. Miratimin e kriterëve për trajtimin me mbështetje financiare për sportet kolektive (ekipet) në funksion të rezultatit sportiv të ekipit, i cili përfaqëson zyrtarisht qytetin e Durrësit dhe Klubin e Shumësporteve “Teuta” Durrës, në bazë të marrëveshjes së bashkëpunimit dhe përfaqësimit, si më poshtë vijon:

- Ekipi përfaqëson një organizatë/shoqatë sportive që ka marrëveshje bashkëpunimi në fuqi me Klubin e Shumësporteve “Teuta” Durrës.
- Ekipi ka marrëveshje përfaqësimi sportiv për qytetin e Durrësit dhe Klubin e Shumësporteve “Teuta” Durrës.
- Ekipi merr pjesë në kampionatin kombëtar zyrtar të federatës përkatëse.
- Ekipi ka arritur renditje nga vendi I deri në vendin IV në kampionatin kombëtar të kategorisë më të lartë.

2.1. Për t’u përfshirë në listën përfituese të ekipit, çdo sportist duhet:

- të jetë mbi 18 (tetëmbëdhjetë) vjeç.
- të jetë i federuar aktivisht për sezonin përkatës.
- të ketë marrëveshje përfaqësimi sportiv me Klubin e Shumësporteve “Teuta” Durrës (përmes organizatës sportive).
- të ketë pjesëmarrje aktive në stërvitje dhe gara.
- të mos jetë i pezulluar apo subjekt i masave disiplinore.
- të mos përfitojë trajtim ushqimor të dyfishtë nga institucione të tjera publike.

2.2. Organizata/shoqata sportive përkatëse, për përfitimin e trajtimit financiar për sportistët pjesë zyrtare e këtyre ekipeve, duhet të dorëzojë dokumentacionin e mëposhtëm:

- Kërkesë zyrtare për përfshirjen e ekipit në skemën e trajtimit financiar.
- Marrëveshje bashkëpunimi në fuqi me Klubin e Shumësporteve “Teuta” Durrës.
- Marrëveshje/Aneks përfaqësimi sportiv për ekipin.
- Vërtetim nga federata për pjesëmarrjen në kampionatin kombëtar.
- Dokumentacion zyrtar të renditjes përfundimtare të ekipit.
- Listë emërore të sportistëve aktivë të ekipit.
- Certifikata federimi për secilin sportist.
- Deklaratë përgjegjësie nga organizata sportive për administrimin korrekt të trajtimit ushqimor.
- Raport përmbledhës stërvitor dhe gare i ekipit.

2.3. Organizata/shoqata sportive përkatëse ka detyrimin që në fund të çdo muaji të paraqesë pranë Klubit të Shumësporteve “Teuta” Durrës:

- listën emërore të sportistëve të ekipit që kanë marrë pjesë aktive në procesin stërvitor.
- listën përkatëse të federimit aktiv për sezonin sportiv në fuqi.
- një relacion përmbledhës mbi angazhimin stërvitor dhe sportiv të ekipit.

- Paralelisht, Specialisti i Sportit pranë Klubit të Shumësporteve “Teuta” Durrës, i cili ka monitoruar nga afër sportet kolektive, harton një raport monitorimi, ku pasqyrohet:
- pjesëmarrja reale e sportistëve në stërvitje dhe gara;
- respektimi i programit stërvitor;
- ecuria dhe disiplina sportive e ekipit.



2.4. Pas shqyrtimit të dokumentacionit të paraqitur dhe raportit të specialistit të sportit, Klubi i Shumësporteve “Teuta” Durrës:

- kryen verifikimin përfundimtar;
- harton procesverbalin përkatës;
- dhe procedon me alokimin e fondeve për trajtimin ushqimor, në përputhje me fondin e miratuar.

2.5. Organizata/shoqata sportive përfituese ka detyrimin që:

- në fund të çdo muaji, ose në varësi të periudhës së alokimit të fondeve,
- të raportojë pranë Klubit të Shumësporteve “Teuta” Durrës për përdorimin e fondeve të akorduara, duke paraqitur:
- procesverbalin justifikues të shpërndarjes së trajtimit financiar;
- dokumentacionin financiar përkatës;
- si dhe pagesat bankare që vërtetojnë shpërndarjen e fondeve.

3. Miratimin e kriterëve për përfitimin e trajtimit financiar për trajnerët e sportistëve për sportet individuale dhe trajnerët e ekipeve për sportet kolektive të Klubit Shumësporteve Teuta si më poshtë vijon:

- Trajneri të jetë i pajisur me Licencën e Trajnerit.
- Të ketë kualifikim profesional të njohur nga Federata përkatëse.
- Të jetë i licencuar sipas kategorisë së sportit që drejton.
- Të ketë marrëveshje të vlefshme me Organizaten/shoqaten sportive që përfaqëson Klubin e Shumësporteve “Teuta”.
- Të mos ketë masa disiplinore aktive.
- nuk duhet të jetë i pezulluar nga federata.
- nuk duhet të ketë masa për sjellje antisportive.
- nuk duhet të jetë nën procedime për shkelje të etikës sportive.
- Trajneri duhet të jetë i pranishëm në garat zyrtare të sportistit ku:
Dhe duhet të dokumentojë:
- protokolle gare,
- raporte për pjesëmarrjen dhe drejtimin teknik.

3.1. Organizata/shoqata sportive përkatëse, për përfitimin e trajtimit financiar për trajnerët e sportistëve për sportet individuale dhe trajnerët e ekipeve për sportet kolektive të Klubit Shumësporteve Teuta, duhet të dorëzojë dokumentacionin e mëposhtëm:



- Certifikata e Licencës si Trajner (e lëshuar nga federata ose institucioni sportiv).
 - Vërtetim nga federata që është trajneri zyrtar i sportistit apo ekipit.
 - Marrëveshje të vlefshme me Organizaten/shoqatën sportive që përfaqëson Klubin e Shumësporteve “Teuta”.
 - Raport mujor i procesit stërvitor.
 - Evidenca nga garat (protokolle, lista pjesëmarrjeje, autorizime).
 - Deklaratë personale ku trajneri konfirmon:
 - që nuk ka masa disiplinore;
 - që nuk merr përfitime të dyfishta;
 - që është përgjegjës për përgatitjen e sportistit sportist i nivelit të lartë.
4. Kryetarja e Bashkisë ngarkohet për ngritjen e Komisionit të Posaçëm të Verifikimit, i cili shqyrton dhe verifikon dokumentacionin përkatës. Pas verifikimit, Komisioni harton procesverbalin e konstatimit.
5. Për zbatimin e këtij vendimi ngarkohen, Drejtoria e Arsim, Kulturë, Rini, Sporte dhe Komunitete Fetare dhe Klubi i Shumësporteve “Teuta”, Durrës.

Ky vendim hyn në fuqi sipas përcaktimeve të nenit 55, pika 6, të Ligjit Nr.139/2015, “Për vetëqeverisjen vendore”, i ndryshuar.

KRYETARE

Denisa Luarasi

U shpall sot me datë 10.07.2026



REPUBLIKA E SHQIPËRISË
PREFEKTI I QARKUT Durrës


Nr. 537/14 prot.

Durrës, më 15 . 07 .2026

Lënda: Verifikim i ligjshmërisë së aktit

**KËSHILLIT BASHKIAK
DURRËS**

**KRYETARIT TË BASHKISË
DURRËS**



Verifikova ligjshmërinë e Vendimit të Këshillit Bashkiak Durrës Nr.48 datë 09.07.2026 “Për përcaktimin e kriterëve të vlerësimit dhe trajtimit financiar për sportistët dhe trajnerët, që përfaqësojnë qytetin e Durrësit në kompeticione kombëtare dhe ndërkombëtare për vitin 2026.”

E gjej atë të bazuar në ligj dhe në bazë të kompetencave që me jep Ligji Nr.107/2016 “Për Prefektin e Qarkut” i ndryshuar, e konfirmoj bazueshmërinë ligjore të tij.

Duke ju falenderuar për bashkëpunimin.

**PREFEKTI
ADRIAN GURRA**

